



Ад хок комисија Парламентарне скупштине
Босне и Херцеговине за спровођење поступка
именовања Савјета Регулаторне агенције за
комуникације Босне и Херцеговине

Ad hoc komisija Parlamentarne skupštine
Bosne i Hercegovine za provođenje postupka
imenovanja Vijeća Regulatorne agencije za
komunikacije Bosne i Hercegovine

Ad hoc povjerenstvo Parlamentarne skupštine
Bosne i Hercegovine za provedbu
postupka imenovanja Vijeća Regulatorne agencije za
komunikacije Bosne i Hercegovine

Broj: 01,02-50-16-399-5/21
Sarajevo, 16. 2. 2021.

VIJEĆU MINISTARA BOSNE I HERCEGOVINE
n/r Zorana Tegeltije, predsjedavajućeg

Predmet: Lista 14 najuspješnijih kandidata za članove Vijeća Regulatorne agencije za komunikacije Bosne i Hercegovine, dostavlja se

Na osnovu člana 39. stav (4) Zakona o komunikacijama („Službeni glasnik BiH“, br. 31/03, 75/06, 32/10 i 98/12), na prijedlog Vijeća ministara BiH, Parlamentarna skupština BiH je na 12. sjednici Predstavničkog doma, održanoj 15. 9. 2020, i na 12. sjednici Doma naroda, održanoj 8. 10. 2020, imenovala članove Ad hoc komisije Parlamentarne skupštine BiH za provođenje postupka imenovanja članova Vijeća Regulatorne agencije za komunikacije BiH (u daljnjem tekstu: Komisija).

U Komisiju su imenovani sljedeći članovi: Borjana Krišto i Nermin Mandra, poslanici iz Predstavničkog doma, Nikola Špirić, delegat iz Doma naroda Parlamentarne skupštine BiH, te Davorka Topić, Jovica Knežević i Sanjin Kodrić, predstavnici nevladinog sektora.

Odluka o imenovanju Komisije objavljena je u „Službenom glasniku BiH“, broj 65/20.

U skladu sa standardima i rokovima propisanim Zakonom o ministarskim imenovanjima, imenovanjima Vijeća ministara i drugim imenovanjima Bosne i Hercegovine („Službeni glasnik BiH“, broj 37/03), te u skladu s članom 39. stav (4) Zakona o komunikacijama, zadatak Komisije je da objavi javni konkurs i nakon provedene procedure utvrdi listu od 14 najuspješnijih kandidata, koju dostavlja Vijeću ministara BiH.

Javni konkurs objavljen je u „Službenom glasniku BiH - Oglasi“, broj 72, od 10. 11. 2020, „Službenom glasniku Brčko Distrikta BiH“, broj 42, od 17. 11. 2020, i na veb-stranici

Parlamentarne skupštine BiH 10. 11. 2020. Obavještenje o javnom konkursu objavljeno je 10. 11. 2020. u „Dnevnom avazu“, „Večernjem listu“ i „Glasu Srpske“.

Tekstom konkursa propisano je da, pored općih uslova, kandidat za člana Vijeća Agencije mora ispunjavati sljedeće posebne uslove propisane članom 39. stav (3) Zakona o komunikacijama:

- da ima završen fakultet, tehničkog ili društvenog smjera, VSS, odnosno po Bolonjskom sistemu studiranja najmanje 240 ECTS bodova;
- da ima najmanje pet godina radnog iskustva na poslovima iz djelokruga Agencije, utvrđenim Zakonom o komunikacijama;
- da poznaje problematiku poslovanja i emitiranja javnih i komercijalnih elektronskih medija i
- da ima iskustvo na poslovima telekomunikacija i emitiranja.

Komisija je na 3. sjednici, održanoj 7. 12. 2020, konstatirala da su se na javni konkurs prijavila 22 kandidata, te je nakon provjere formalno-pravne valjanosti, blagovremenosti i kompletnosti prijave kandidata, konstatirano da su svi kandidati blagovremeno dostavili dokumente s traženim dokazima o ispunjavanju uslova javnog konkursa.

Komisija je na 4. sjednici, održanoj 16. 2. 2021, obavila intervju s 19 kandidata, s ciljem da utvrdi stručnost i osposobljenost kandidata za obavljanje traženih zadataka. Pitanja na intervjuu odnosila su se na provjeru podataka iz biografije, posebnim stručnim zvanjima, vještinama i iskustvima iz oblasti emitiranja i telekomunikacija. Ocjene članova Komisije za svakog kandidata sabirale su se pojedinačno i dijelile s brojem članova.

Prilikom sastavljanja liste 14 najuspješnijih kandidata, Komisija je poštovala princip nacionalne zastupljenosti, kako je to predviđeno članom 3. stav (2) tačka (e) Zakona o ministarskim imenovanjima, imenovanjima Vijeća ministara i drugim imenovanjima Bosne i Hercegovine, kao i ravnopravnu zastupljenost spolova, u skladu s članom 36. stav (4) Zakona o komunikacijama.

Na osnovu ranije konstatiranog, Komisija je na 5. sjednici, održanoj 16. 2. 2021, utvrdila listu od 14 najuspješnijih kandidata, kako slijedi:

Red. broj	Ime i prezime kandidata	Nacionalnost	Broj bodova
1.	Antonio Beus	Hrvat	48,8
2.	Vedran Škoro	Srbin	48
3.	Nasuf Hadžiahmetović	Bošnjak	47,8
4.	Vedran Buhovac	Hrvat	47,8
5.	Elmir Huremović	Bošnjak	46,8
6.	Vladimir Jurišić	Srbin	46,8
7.	Slobodan Bošković	Crnogorac	46,6
8.	Jasenko Lasta	Hrvat	41
9.	Miloš Šolaja	Srbin	41
10.	Sanela Bećirović	Bošnjakinja	40,6
11.	Emir Habul	Bošnjak	39,2
12.	Marinko Šimunović	Hrvat	39,2
13.	Zoran Žuža	Srbin	38,4
14.	Veseljko Elez	Srbin	37,8

Komisija dostavlja listu od 14 najuspješnijih kandidata za članove Vijeća Regulatorne agencije za komunikacije BiH Vijeću ministara BiH na daljnji postupak, kako bi Vijeće ministara BiH, u skladu s članom 39. stav (5) Zakona o komunikacijama, u roku od 30 dana od dana prijema liste dostavilo Parlamentarnoj skupštini BiH prijedlog za imenovanje sedam članova Vijeća Agencije.

Prilog: 1.

- Biografije kandidata

PREDSJEDAVAJUĆI KOMISIJE
Dr. Nikola Špirić

Dostaviti:

- naslovu
- a/a